

西北史地文獻 第九卷

中國西北文獻叢書



中國西北文獻叢書·第三輯

西北史地文獻

第九卷



PDF

平定準噶爾方略 三

欽定四庫全書

PDG

平定準噶爾方略目錄

正編

卷三十

乾隆二十一年七月丁亥至八月乙丑

卷三十一

乾隆二十一年九月丙寅至閏九月乙巳

卷三十二

乾隆二十一年閏九月丙午至十月癸酉

卷三十三

乾隆二十一年十月乙亥至十一月丁未

卷三十四

乾隆二十一年十一月戊申至十二月丙子

卷三十五

乾隆二十一年十二月戊寅至二十二年正

平定準噶爾方略目錄

一

月壬寅

卷三十六

乾隆二十二年正月癸卯至二月庚午

卷三十七

乾隆二十二年二月癸酉至三月壬寅

卷三十八

乾隆二十二年三月癸卯至四月丁丑

卷三十九

乾隆二十二年四月巳卯至五月庚戌

卷四十

乾隆二十二年五月辛亥至六月乙酉

卷四十一

乾隆二十二年六月丙戌至七月乙卯

卷四十二

平定準噶爾方略目錄

二

乾隆二十二年七月丙辰至八月乙亥

卷四十三

乾隆二十二年八月己卯至九月壬寅

卷四十四

乾隆二十二年九月丙午至十月丙寅

卷四十五

乾隆二十二年十月丁卯至十一月癸巳

平定縣志略錄

三

卷四十六

乾隆二十二年十一月乙未至戊午

卷四十七

乾隆二十二年十二月辛酉至丙戌

卷四十八

乾隆二十三年正月己丑至丁未

卷四十九

乾隆二十三年正月戊申至二月壬戌

卷五十

乾隆二十三年二月癸亥至癸未

卷五十一

乾隆二十三年二月甲申至三月庚子

卷五十二

乾隆二十三年三月辛丑至甲寅

平定縣志略錄

四

卷五十三

乾隆二十三年四月丁巳至丁卯

卷五十四

乾隆二十三年四月戊辰至乙酉

卷五十五

乾隆二十三年五月丙戌至壬子

卷五十六

乾隆二十三年五月癸丑至六月戊辰

卷五十七

乾隆二十三年六月己巳至甲申

卷五十八

乾隆二十三年七月乙酉至癸卯

卷五十九

乾隆二十三年七月甲辰至八月己未

平定縣志卷五十九

五

卷六十

乾隆二十三年八月庚申至壬午

卷六十一

乾隆二十三年九月甲申至壬寅

卷六十二

乾隆二十三年九月甲辰至十月壬戌

卷六十三

乾隆二十三年十月癸亥至十一月丙申

卷六十四

乾隆二十三年十一月丁酉至丙午

卷六十五

乾隆二十三年十二月丁未至十二月戊辰

卷六十六

乾隆二十三年十二月己巳至二十四年正

平定縣志卷六十六

六

月己丑

卷六十七

乾隆二十四年正月庚寅至二月癸丑

卷六十八

乾隆二十四年二月丙辰至己巳

卷六十九

乾隆二十四年二月庚午至三月甲申

卷七十

乾隆二十四年三月甲申至戊申

卷七十一

乾隆二十四年四月辛亥至甲戌

平定縣志略錄

七

四

PDG

平定準噶爾

方略正編

平定準噶爾方略正編卷之三十

乾隆二十一年秋七月丁亥。

宣示薩喇爾罪狀。

上諭大學士曰。班第鄂容安同薩喇爾駐守伊犁。當阿逆叛亂之時。班第鄂容安捐軀殉節。而薩喇爾獨自脫逃。及拏解來京。朕親加審訊。據稱彼時以賊衆四集。恐力不能支。是以帶兵逃出。冀圖再舉。

平定準噶爾方略正編卷之三十

一

等語。朕因其所言情節。尙應質對。暫行監禁。今巴寧阿。栢琨等到京。質訊之下。言頗相符。但供拔去所賜孔雀翎而逃。是其偷生負國。已屬顯然。然在滿漢世受國恩之臣。而臨難苟免。自當明正典刑。伊係厄魯特新附之人。不足責以死綏大義。今班第鄂容安靈櫬已到。朕親臨祭奠。優予卹典。靈櫬俱令進城。卽著旺扎爾帶同薩喇爾。前往班第鄂

嘗於殿前將逆黨阿巴噶斯克什木先行誅耳祭
奠令薩喇爾在旁看視夫人孰無死使薩喇爾亦
能如二臣之決計就義則今日哀榮之典自當一
體同受而乃顛越至此使伊稍有人心能無愧乎
其阿巴噶斯等俟阿逆拏獲到日一併正法以彰
國憲薩喇爾著永遠拘禁將此傳諭中外知之

戊子。

平定回疆剿擒逆裔方略卷三十一

二

命優卹伊犁陣亡官員。

上諭大學士曰去歲伊犁擾亂時跟隨將軍大臣之
滿洲蒙古侍衛官員喀爾喀王公台吉等其奮勇
殺賊及自盡復生後經陸續旋歸者朕已悉加恩
賞晉秩陞用至陣亡自盡之滿洲蒙古侍衛官員
喀爾喀台吉等甚屬可憫著俟兆惠查明奏到之
日交該部照陣亡例議奉賞給世職以示優卹

命土爾扈特使臣入

覲。

上諭軍機大臣曰前因土爾扈特遣人前往西藏特
派麒麟保帶領同行今據奏稱已於七月初旬起
程赴藏計其回時朕已駐蹕熱河著傳諭麒麟保
卽帶領土爾扈特使臣由張家口外前赴熱河入
覲。

平定回疆剿擒逆裔方略卷三十一

三

己丑。

諭擒拏青滾雜卜事宜。

上諭軍機大臣曰據納穆扎爾奏青滾雜卜遣人至
烏里雅蘇台煽惑喀爾喀等情形可疑等語青滾
雜卜居心詭詐深可痛恨著舒明等詳細察看此
時若已露背叛情形卽會同親王成袞扎布得親
扎卜等相機擒拏若尙未生事端止宜留心防範

俟哈達哈撤兵回時。再行辦理。青滾雜卜游牧。與唐努山甚近。其或在游牧。或向唐努山至烏梁海。皆未可定。並著傳諭哈達哈臨期確訪。或先派兵豫阻去路。再行擒拏。毋得任其脫逃。再貝勒蒙登扎卜呈稱。不能辦理臺務。必係聽青滾雜卜指使。著一併拏解來京。其臺站事務。卽速交親王成袞扎布接續辦理。毋致貽悞。至哈達哈等自哈薩克回時。馬匹不免疲瘦。舒明等卽豫選馬匹。善爲牧放。俟哈達哈將到。卽解往接續。以增兵力。並著學士阿桂速赴軍營。協同辦理。

命以青滾雜卜罪狀。傳諭喀爾喀王公等。

上諭喀爾喀王公等曰。青滾雜卜。原係獲罪斥革之人。因其尙知奮勇。仍加恩承襲貝勒。並授爲喀爾

喀副將軍。上年從征伊犁。加恩封授郡王。稍有人心。自當感激圖報。孰意其深負厚恩。實出情理之外。伊前同阿逆進兵時。聽從指使。將巴特瑪車凌之弟諾爾布丹津私行帶回。將軍大臣叅奏阿逆罪狀。竟敢潛爲洩漏。嗣後追擒阿逆。退縮阻撓。奏請兩路出師五萬。方可追緝。種種悖謬乖張。不可枚舉。彼時本應卽行正法。朕因念及伊祖博貝舊日勞績。特加寬宥。以觀後效。是以此次辦理烏梁海。復授爲叅贊。予以自新之路。伊至烏梁海。並未拏獲鄂木布郭勒卓輝等。卽撤兵而回。雖尙有將軍哈達哈等領兵在彼。伊卽退回。無關輕重。但既爲叅贊。並不奏請諭旨。亦不咨報將軍。帶兵擅回。律以軍法。罪不容誅。且捏爲種種浮言。煽惑衆聽。其心實不可問。試思辦理準噶爾一事。原爲喀爾

喀經理久長之計。是以命將興師。以期一勞永逸。然選派喀爾喀官兵。俱經賞給錢糧米石。派辦牲畜。何次不給發價值。而青滾雜卜乃謂喀爾喀以連年用兵爲累。是誠何心。至於軍行賞罰。乃國家憲典所必行。達木巴扎卜係管理都爾伯特游牧人員。縱令巴朗脫逃。諱匿不報。額林沁多爾濟監視阿逆來京。明知其叛跡已露。袖手旁觀。致令兔

脫。二人情罪。斷難姑容。然猶念伊等祖父不忍加之顯戮。令其自盡。此而曲爲寬縱。國法何在。而青滾雜卜乃謂喀爾喀係青吉斯汗後裔。向不治罪。此語舛謬更甚。如朕宗室中有犯刑章者。朕又何嘗廢法耶。至於稍知奮勉。如巴扎爾什第桑寨多爾濟。及第布登扎布等。則俱優封顯秩。賜予便蕃。青滾雜卜寧不聞之耶。已交軍營大臣等。拏解青

滾雜卜來京治罪。本應除其屬衆。削其封爵。朕始終眷念伊祖。不忍泯其勞績。所有貝勒封爵。仍施恩准。令額林沁之子旺布多爾濟承襲。朕辦理庶政。一秉至公。有功者予之厚恩。犯法者斷無姑貸。將此曉諭衆喀爾喀王公等知之。

諭親王成袞扎布。擒拏和托輝特青滾雜卜事宜。

上諭軍機大臣曰。親王成袞扎布。世受國恩。深知感

激。伊聞和托輝特青滾雜卜種種狂悖。卽移咨納穆扎爾轉奏。能念伊父額駙素日篤誠。力圖報効。深堪嘉予。著賞荷包一對。以示優眷。和托輝特青滾雜卜。去歲進兵時。迎合阿逆。種種不法。今又擅自撤兵。復托言衆喀爾喀以用兵爲累。逞其詭詐。喀爾喀等深受國家厚恩。斷不爲伊煽惑。已降旨詳悉曉諭。青滾雜卜。應卽拏解來京治罪。朕已諭

舒明阿蘭泰等會同親王成袞扎布得親扎卜等審機辦理。青滾雜卜乃無足重輕之人。第喀爾喀舊臣僕中有似此敗類。不可不申明國憲。成袞扎布等務宜留心防範。毋得洩漏。此時如應速爲擒治。卽會同衆喀爾喀王公等領兵擒拏。否則仍遵前旨。俟哈達哈等回時。再行辦理。

叅贊大臣富德疏奏會同將軍哈達哈等進兵

事宜。

平定回疆方略正編卷之三

八

富德奏言。臣遣瑞綽爾圖扎什保前往確探兩路大兵信息。至濟爾瑪台地方。遇定邊左副將軍哈達哈等大兵已渡額爾齊斯河。卽令臣等由阿勒圭前進會齊。臣等卽帶兵迅速前往。俟遇哈達哈時。會議將兵丁分隊進發。務使聲息相通。協力擒拏逆賊。再從前脫逃之唐古忒。至

散秩大臣烏魯木游牧內搶掠。已爲烏魯木所殺。又擒獲與唐古忒同逃之索諾木達爾扎之子蒙固勒。訥默庫二人。係額林沁之女所生。並喇嘛羅卜占三濟亦係同額林沁行走之人。現在派員解至軍營。奏入。報

聞。

壬辰。

平定回疆方略正編卷之三

九

諭都爾伯特王公台吉等。分年入

覲事宜。

上諭軍機大臣曰。策凌烏巴什等自歸降以來。感朕厚恩。奮勉効力。今移至額爾齊斯舊游牧地方。遣使請定輪班朝覲之期。具見誠悃。伊等遣使請安。毋庸立定期限。每年原應遣人來京領俸。若於遣使請安之時。支領俸餉。事屬兩便。至輪班朝

觀一事。都爾伯特部落著分作三班。每年輪值一班。來京入覲。卽於明年爲始。應何處盟長帶領王公台吉等來京。交該盟長等酌量定議具奏。至伊等遷回舊游牧後。自需馬匹應用。著施恩將從前領赴軍營應交馬駝等項。展限至戊寅年交還。以示體卹。再從前舒明等奏請安插達什達瓦部落人衆於和通鄂博。布拉罕察罕托輝地方。原因卡

倫內額克阿喇勒等處。現有都爾伯特人等居住。是以如此籌辦。今都爾伯特人等既經遷去。所有達什達瓦人衆。著卽在額克阿喇勒地方游牧。

命都爾伯特扎薩克多第巴之子尼爾完齊承襲扎

薩克。

諭駐劄烏里雅蘇台辦事大臣舒明等。擒拏青滾雜

卜事宜。

上諭軍機大臣曰。舒明等奏。沙喇布魯圖等卡倫所

派和托輝特台吉兵丁。聽從青滾雜卜。私行棄卡潛回等語。前因青滾雜卜。雖私行撤兵。尙無背叛形跡。姑俟哈達哈等回時。再行辦理。今其罪狀已著。不容稍緩。著傳諭舒明等。此時如哈達哈等已回。卽會同辦理。否則卽將現在駐劄兵丁。酌量調遣。會同親王成袞扎布。得親扎卜桑寨多爾濟及

塔爾瑪善等。同至和托輝特游牧。卽將青滾雜卜并伊妻子拏解來京。其屬人內聽從指使人等。俱著擒拏正法。俾衆人知所畏懼。朕念青滾雜卜之祖博貝舊勲。不忍削其封爵。仍著額林沁之子旺布多爾濟承襲貝勒。其屬人等。俱查出交旺布多爾濟管轄。上年青滾雜卜至伊犁時。收取達瓦齊之物甚多。一一查出。有應解京者。卽行解京。餘著

賞給効力官員人等。並將從前進兵時掠取馬匹
牲隻等一併查出。歸公充用。阿蘭泰著仍留納米
爾沙扎海軍營辦理事務。俟青滾雜卜拏獲後。再
將擅棄卡倫之台吉兵丁等查明從重治罪。

諭定邊左副將軍哈達哈協擒青滾雜卜事宜。

上諭軍機大臣曰。青滾雜卜叛跡已著。舒明等會同
親王成衮扎布等領兵擒拏。哈達哈自哈薩克回

平定回疆方略正編卷三十三

土

時務宜趲行。會同辦理。卽已後期。亦可堵禦青滾
雜卜逃竄之路。更爲妥協。再多爾濟策登。亦係和
托輝特部落。今旣辦理青滾雜卜。若不行告知。恐
伊反生疑懼。著哈達哈留心試看。果其人無可疑。
則將擒拏青滾雜卜之事。明白諭知。且告以係青
滾雜卜一人之罪。與伊無涉。令伊協力擒拏。事後
尙當格外加恩。若不可深信。卽無庸告知。并將伊

拏送京師。哈達哈初宜詳慎辦理。

癸巳。

命安插沙克都爾曼濟人衆於巴里坤。

上諭軍機大臣曰。雅爾哈善奏和碩特汗沙克都爾
曼濟及達什達瓦部落特古斯哈什哈之妻俱率
領所屬。由朱爾都斯向巴里坤前來等語。沙克都
爾曼濟上年來京入覲。朕見其爲人誠實。深感朕

平定回疆方略正編卷三十三

土

恩。今因其舊游牧地方。無以資生。跋涉遠來。殊堪
憫惻。準噶爾頻年不靖。自相蹂躪。厄魯特等生計
自不免艱難。然使台吉等各收集屬衆。在各游牧
地方耕種牧養。善自謀生。不過一二年間。元氣卽
可全復。今沙克都爾曼濟等雖向巴里坤前來。究
非本土。難以久居。況現在喀爾喀地方居住之都
爾伯特輝特和碩特人等。俱令移回舊游牧。又節

次傳諭伊等嚴禁盜賊。各安本業。則沙克都爾曼濟等。自宜仍回本處。但甫經遠至。復令遷回。不免勞頓。轉瞬又屆冬令。行走稍艱。今年卽令沙克都爾曼濟等暫住巴里坤地方。俟明春再議遷回。雅爾哈善將此詳悉曉諭伊等。並查明戶口人數。酌量賞給口糧。以資食用。其達什達瓦部落人衆。亦量爲賞給。卽令由阿濟必濟卡倫。前赴阿爾台。會

平定回疆方略卷之三

古

同達什達瓦人等一併居住。著交與富森辦理。

甲午。

命以德都摩垓圖古里克等地。仍給哈密回人耕種。上諭軍機大臣曰。黃廷桂奏。據哈密貝子玉素富呈稱。從前哈密回人。所種德都摩垓圖古里克等處地方。仍請賞給耕種等語。哈密回人生齒日繁。現在準噶爾全部底定。無庸於此等地方。更設卡倫。

著施恩將德都摩垓圖古里克地方。仍賞給回人耕種。

命議敘副將滿祿等。

上諭軍機大臣曰。據達爾黨阿等奏。副將滿祿。叅將邁斯哈等。護送軍營馬匹。甚屬妥協。滿祿邁斯哈奮勉急公。著交部議敘。

原任定西將軍策楞。疏奏逆黨巴顏正法。

平定回疆方略卷之三

五

策楞奏言。前侍衛中秋。拏獲厄魯特巴顏。解至軍營。臣等將伊所告阿逆帶領哈薩克兵三萬前來之語。詳悉訊問。實係捏造。希圖搖惑衆心。因卽將巴顏正法。奏入。報聞。

八月戊戌。

命議敘喀爾喀親王桑寨多爾濟。

上諭軍機大臣曰。桑寨多爾濟等奏。青滾雜卜擅撤卡倫兵丁。業經派兵接續。并將台吉阿雅喇等傳布青滾雜卜撤兵原文。查出呈覽。桑寨多爾濟辦理甚屬妥協。著交部議敘。俟擒獲青滾雜卜時。并將台吉阿雅喇等一併擒拏。勿令脫逃。至棄卡兵丁。皆係蒙古無知之人。著加恩寬宥。免其治罪。并通行傳諭各卡倫台吉兵丁等。果能悔悟。速回本卡者。台吉卽指名具奏。其兵丁酌量賞賜。

平定讞要略卷三

六

辛丑。

命安插伯什阿噶什。烏巴什等屬人於額克阿喇勒地方。

上諭軍機大臣曰。前降旨令達什達瓦部落人衆。赴額克阿喇勒地方游牧。今舒明奏稱伯什阿噶什。烏巴什等。前來入覲。其屬人在青吉勒暫住等語。

其地已與卡倫甚近。著一併令赴額克阿喇勒地方居住。俟明年再令遷回舊游牧。

壬寅。

命喀爾喀貝勒策卜登協拏青滾雜卜。

上諭軍機大臣曰。前據舒明等奏。喀爾喀貝勒策卜登。亦撤兵擅回。朕意策卜登不應爲青滾雜卜所惑。今復奏伊在納林喀喇地方。暫行駐兵。聽待調遣等語。看來實非聽信青滾雜卜之言。果不出朕所料。至伊稱郭勒卓輝。博博等。俱已逃入俄羅斯。不必遣兵追逐。所見甚是。著傳諭策卜登。卽帶所有兵丁。會同親王成衮扎布等。速往和托輝特擒拏青滾雜卜。伊係喀爾喀舊人。今見青滾雜卜負恩背叛。必深爲痛恨。務奮力擒拏。以雪衆喀爾喀之恥。

平定讞要略卷三

七

癸卯。

命理藩院尙書納延泰。馳驛前往北路軍營。查辦事務。

甲辰。

申諭烏里雅蘇台辦事大臣舒明等。擒拏青滾雜卜事宜。

上諭軍機大臣曰。納穆扎爾奏稱青滾雜卜叛跡已

平定回疆方略卷三十一

大

著。恐眾喀爾喀等俱爲煽惑。遂向伊等曉示利害。等語。納穆扎爾辦理甚是。喀爾喀等不免爲青滾雜卜搖惑。然亦不過無知之輩。其世受國恩。明白事體者。決不應出此。著傳諭舒明等。遵旨卽行辦理。並明白曉諭喀爾喀王公等。令其協力擒拏。毋墮奸計。再據巴爾泰奏。巴勒達爾達什丕勒齊旺等告稱聞青滾雜卜欲擄掠伊等游牧。伊等俱回

至游牧豫備等語。看此情形。愈宜卽爲擒治。舒明等務期妥速辦理。

駐劄巴里坤辦事大臣雅爾哈善等。疏奏回人莽噶里克。遣子白和卓入

覲日期。

雅爾哈善等奏言。臣等遵

旨曉諭回人莽噶里克。暫留部落約束屬衆。令伊子

平定回疆方略卷三十一

九

弟中派出一人入

覲。今據莽噶里克遣伊子白和卓入

覲。於七月二十七日。自巴里坤起程進京。奏入報聞。

乙巳

命授喀爾喀親王成衮扎布。爲定邊左副將軍

上諭軍機大臣曰。親王成衮扎布。舊任將軍。今定邊